

ՉՈՐՈՒՏ-ԻՇԽԱՆԱՎԱՆՔ. ՆՈՐԱՀԱՅՏ ԱՐՁԱՆԱԳՐՈՒԹՅՈՒՆՆԵՐ

Գ. Գ. ՍԱՐԳՍՅԱՆ

Չորուտի վանք-մենաստանը գտնվում է Հրազդանի շրջանի Արզական գյուղից մոտ 5 կմ հյուսիս-արևելք, ճանապարհի աջ կողմում, անտառախիտ սարավանդի վրա¹։ Մինչև 1969 թ. հողի մակերեսին երևում էին մի քանի կառույցների անորոշ ավերակներ, բաղմաթիվ խաչքարեր (ամբողջական և կտրված), պատվանդաններ։ Հիմնական շինություններից մոտ 200 մ հեռավորության վրա (դեպի հարավ) գտնվում է վանքի գերեզմանոցը։

1969—1970 թթ. ՀԽՍՀ Մինիստրների խորհրդին առընթեր պատմության և կուլտուրայի հուշարձանների պահպանման ու օգտագործման վարչության կողմից տեղում կատարված մաքրման աշխատանքների շնորհիվ հայտնաբերվեցին խոշոր համակառույցի ավերված մնացորդները, որոնք իրենց ճարտարապետական հորինվածքով, զարդաքանդակների հարստությամբ և հարդարման տեխնիկայով վկայում են, որ այստեղ մեր ժողովուն միջնադարում գոյություն է ունեցել մի նշանավոր կրոնամշակութային «ջահ» ներառված ճարտարապետական ուղադրված համակառույցի մեջ։

Հնավայրը տեղագրական ուսումնասիրություններում հիշատակված է Չորուտի վանք անունով²։ Շահաթունյանցը, խոսելով Արզական գյուղի շրջակայքի գյուղատեղերի և հնավայրերի մասին, գրում է. «Յարևելից հիւսիսոյ ներքին Տէլիէր (Դալիւար—Գ. Ս.) դեղքէ ծործոր ինչ, զոր անուանեն Չորուտ ...նկեղեցի մենաստանին մեծ մասամբ կործանեալ է և գուցէ յերկրաշարժութենէ և կայ կանգուն միայն որմն հիւսիսային»³։ Այնուհետև հեղինակը ներկայացնում է այդ պատին փորագրված երեք արձանագրությունները⁴։ Այլշանը, անդրադառնալով Աղվերան գյուղի մերձակայքի մի շարք գյուղատեղերի՝ Լեյլի խարապա, Մուրժոմզ, նշում է, որ «մերձ ի սոսա և Չորուտ (հեղինակը նկատի ունի այդ անունով գյուղը—Գ. Ս.), ի խորածոր լեռնամիջի, յորոյ հարաւային լանջս ի գիտակ վայրի՝ կայ աւերակ վանաց, ի միջի պտղատու և անպտուղ ծառոց, զորս արբուցանէ վտակ ականակիտ իջեալ ի բարձանց։ Յեկեղեցւոջն կործանելայ, միջակ մեծութեամբ և երկու մատրամբ առ սեղանովն, յորմն հիւսիսային՝ որ միայն կանգուն կայ, ի ներքուստ գրեալ կան արձանք»⁵։ Այնուհետև Այլշանը մեջբերում է վերոհիշյալ երեք արձանագրությունները։ Նշանավոր հայագետը փորձում է տեղորոշել Չորուտը։ Նա անհավանական չի համարում Հ. Շահաթունյանցի կարծիքը, որով Չորուտը նույնացվում է Կիրակոս Գանձակեցու հիշատակած Ղորածոր (իրականում Ղորածոր) բնակավայրի հետ, որը գտնվել է Բջնիի մերձակայքում և Զաքարյանների կողմից նվիրաբերվել էր Նոր Գետիկի վանքին⁶։ Չորուտի վանքը և այդ երեք վիմագրերը հիշատակում է նաև Մ. Սմբատյանցը⁷։ Վանքի այս անվան վերաբերյալ սկզբնաղբյուրներում հիշատակություններ չեն պահպանվել, որը, կարծում ենք, վկայում է նրա ուշ ժաման մասին։ Մեր նախորդ մի աշխատության մեջ քննության

1 Հուշարձանախոսմբը մտնում է նախկին կոմունալ տնտեսության նախարարության հանգստյան տան տարածքի մեջ։

2 Յ ո վ ա ն է ս Շ ա հ ա թ ու ն ե ա ն ց, Ատորագրութիւն կաթողիկէ էջմիածնի եւ հինգ զաւառացն Արարատայ, հ. 2, էջմիածին, 1842, էջ 177—178։

3 Ղ. Ա լ ի շ ա ն, Այրարատ, Վննետիկ, 1890, էջ 257։

4 Նույն տեղում, էջ 258։

5 Մ. Ս մ բ ա տ ե ա ն ց, Տեղագիր Գեղարքունի ժովագարգ զաւառի, Վաղարշապատ, 1895, էջ 314—315։

առնելով Թեղենյաց վանքի գավթի շինարարությանն օժանդակող Վահրամ Չավուշի գործունեությունը, անդրադարձել էինք նաև Բջնիի ս. Աստվածածին եկեղեցու հարավային մուտքի ճակատակալ քարի վրա նույն Վահրամի թողած մեկ այլ վկայագրին, որից պարզվում էր, որ իշխանը Բջնիի եկեղեցին սաբարկելուց զատ, կառուցել է նաև իշխանավանքի ս. Աստվածածին եկեղեցին⁶։ Մեր հետագա պրպտումները ցույց տվեցին, որ այդ փաստը անմիջականորեն առնչվում է ներկա քննության առարկային։

Չորուտի հնավայրի մաքրման աշխատանքների ժամանակ հայտնաբերվել էին տասնյակ արձանագրված շինաքարեր, որոնց մանրագնին քննությունն ու համադրումը ցույց տվեցին, որ դրանց մեծ մասը պատկանում է վրմագիր երկու վկայագրերի, որոնք կարևորագույն աղբյուր են վանքի պատմության մի շարք հարցերի լուսաբանման համար։

Արձանագրություններից մեկը բավական ընդարձակ մի վկայագիր է՝ զետեղված 15 քարերի վրա, քաղկացած է 4 տողից։ Տողերն ընդգրկում են երկու քարաշար։ Քանի որ արձանագրության ոչ բոլոր քարերն են գտնվել, ուստի վերծանության որոշ հատվածներ պայմանական են։

ԱՌԱՋԻՆ ՏՈՂ

I քար. սկզբի 2—3 տառերը կոտրված են, որտեղ կարող էր փորագրված լինել ԿԱՄԱԽԻՆ բառը (փակագրով)։ Այնուհետև պարզորոշ վերծանվում է՝ ԱՅ ԵՍ ՎԱՀՐԱՄ ՉԱՒՈՒ։

II քար. վրմագրի համապատասխան հատվածն ամբողջովին վերծանվում է. ԻՇՍ ՇԻՆԵՑԻ ՉՍ։ Տողի վերջում փորագրված է Ս տառի ձախ ուղղահայաց ստեղծն՝ ներքևի կողմի սկզբնամասով, իսկ վերևում երևում է «պատիվ» նշանի կեսը։

III քար. բոլոր տառերը, բացի վերջին երեքից, պարզ վերծանվում են. Բ ԱՅԱՍԻՆՍ ԵՒ ԵՏՈՒ, Ե, Տ, Ո տառերի ստորին հատվածները կոտրված են, սակայն հեշտությամբ վերականգնվում են։

Այս հատվածում, արձանագրությունը շարունակող քարը պակասում է, որի սկզբում փորագրված է եղել Ի տառը։ Դժվար է ճիշտ որոշել, թե այստեղ քանի քար է պակասում, սակայն, դատելով հաջորդ պահանջված հատվածի բովանդակությունից՝ երկուսից ոչ ավելի։

IV քար. այստեղ հավաստի վերծանվում է՝ Ի ՁԱԳ ՁԳՈՃ։ Կարծում ենք, որ Ձագը Կոտայք գավառի համանուն գյուղն է, որտեղից, ըստ երևույթի, Գոճոնց ընտանիքին պատկանող մի հողակտոր կամ այգի է ընծայվել։ ԳՈՃՈՆՑ-ը վերականգնված է պայմանականորեն։


Այստեղ նույնպես պակասում են մեկ կամ մի քանի քարեր, սակայն կարող ենք վստահորեն նշել, որ այս հատվածի վերջին չպահանջված քարի վրա փորագրված է եղել ՊԱՐՈՆԱ ԲԱՐԸ։

V քար. առաջին տառը Ց է, որով ամբողջանում է նախորդ՝ ՊԱՐՈՆԱՑ բառը։ Մնացածը լիովին վերծանվում է. ՄԵՐՈՑ ՁԱՔԱՐ։

VI քար. անմիջապես կցվում է նախորդին, որտեղ կարդում ենք. ԷՒ ԵՒ ԻՒԱՆՔԻ ԵՒ Կ։ Կ-ից հետո երկու տառ եղծված են, երևում են երկուական ուղղահայաց ստեղծի վերնամասերը։ Երկրորդի աջ ստեղծի վերջում ուրվագծվում է Մ-ի փոքր հորիզոնական, ստեղծիկը։ Նշված տառերը կարելի է վերականգնել որպես Ա, Մ ու ԵՒ-ից հետո կարդալ ԿԱՄ։ Ամենայն հավանականությամբ, հաջորդ քարի վրա պետք է ամբողջանար ԿԱՄԱՅՈՒԹԵԱՐ ԲԱՐԸ։ Եթե ընդունենք այս վարկածի հավանականությունը, ապա կարող ենք նշել, որ դրանից հետո հիշված է եղել կամ վանքի, կամ թեմի առաջնորդի անունը։ Նման դեպքերում նշվում է պատրոնը կամ հոգևոր առաջնորդը։

Այսքանով ավարտվում է արձանագրության առաջին տողի պահանջված հատվածը։

6 Գ. Գ. Սարգսյան, Արձանագրություն Թեղենյաց վանքից (ՀեՍՀ ԳԱ Լրաբեր հասարակական գիտությունների, 1977, № 8, էջ 100)։



ԵՐԿՐՈՐԴ ՏՈՂ

I քար. սկզբի երկու կամ երեք տառերը կոտրված են, այնուհետև պարզ վերծանվում է Ո տառը, որից հետո կոտրված են ևս վեց տառեր: Վերջիններին հաջորդում է լիարժեք վերծանվող ՀԱՆԱԼ Ը հատվածը: Վերջին Ը-ն, անտարակույս, ԸՆԶԻՑ (ինչք) բառի սկզբնատառն է:

II քար. քարի վրայի ամբողջ հատվածը վերծանվում է՝ ՆԶԻՑ ԵՒ ԱՅԼ:

III քար. այստեղ, եթե առաջին տողը լավ ընթերցվում է, ապա երկրորդի վերջնամասը՝ 3—4 տառ, կոտրված է, իսկ սկզբում փորագրված է ԱՐԴԻԻՔ բառը: Գրիչը, հավանաբար, մոռացել է նախավերջին Ն-ն:

IV քար. չի կապվում նախորդ և հաջորդ քարերի հետ: Այստեղ պահպանվել են ինչ-որ բառի ԱՅ վերջավորությունը ու ԵՒ շաղկապը, որից հետո չորս տառ եղծված է, սակայն ուրվագծվում է ՅԱՅ տառակապակցությունը:

V քար. սկզբում կարդացվում են Սն տառերը, այնուհետև՝ ԵՒ ԶՄԱԽՍ բառերը: Վերջին Ս-ից ուրվագծվում են միայն երկու ուղղահայաց ստեղծանքի վերնամասերը:

VI քար. սա անմիջական շարունակությունն է նախորդի: Այստեղ պարզորոշ վերծանվում է Ի ՇԻՆՈՒԹԻ բառը: Մնացած հատվածը (5—6 տառ) կոտրված է:

Դատելով վերջին երկու քարերի վրա ընթերցվող ԶՄԱԽՍ Ի ՇԻՆՈՒԹԻ հատվածից, ենթադրում ենք, որ Վահրամբ ոչ միայն կառուցել է տեղի Աստվածածին եկեղեցին, այլև հոգացել է մեկ այլ կառույցի շինարարության ծախսերը:

Նրբորդ և չորրորդ տողերի պահպանվածությունը վիճակն ավելի բարվոք է: Այստեղ, ամենայն հավանականությամբ, պակասում են երկու քար՝ սկզբինը և նախավերջինը:

ԵՐՐՈՐԴ ՏՈՂ

I քար. հեղտությամբ վերծանվում է. ԶՆՈՐԴՔ ՍԲ: Անշուշտ, սրա նախորդ, չպահպանված, քարի վրա փորագրված են եղել ԱՌԱՋՆՈՐԴՔ բառի առաջին երեք տառերը: Դ և Ք տառերի վերին կորերը կոտրված են:

II քար. ընթերցվում են ՈՒԽՏԻՍ ՀԱՍՏԱՏԵՑ բառերը: Նրկրորդ բառի ին վերջավորությունը փորագրված է հաջորդ քարի վրա:

III քար. սկզբում փորագրված է ին ՄԵԶ, այնուհետև կոտրված է երկու տառ, որոնցից առաջինը պատարագների քանակը ցույց տվող թվատառն է, իսկ երկրորդը, դատելով հաջորդ քարի վերծանվող ԱՄ տառերից՝ Ժ է:

IV քար. ԱՄ ԶՇԱԲԱԹՆ ԱԻՐՆ ԶՏ: Սկզբի ԱՄԶ տառերի հատվածը փորագրված է առանձին կոտրված բեկորի վրա:

V քար. տառերը լրիվ վերծանվում են. ԱՐԻՆ ՈՂԶՈՅՆ:

VI քար. երրորդ տողի այս հատվածը ամբողջովին կոտրված է, մեջտեղում միայն ուրվագծվում է Ա տառը:


VII քար. տողի սկզբում նշմարվում է Ա տառի փոքր ստեղծանք, իսկ այնուհետև՝ ԾԱԾՆԵՆ, վերջում Մ տառի առաջին ուղղահայաց ստեղծանք՝ ներքևի կիսակլորի մի մասի հետ: Սկզբի Ժ տառի վրա պահպանվել է «պատիվ» նշանը, ուստի կարող ենք վստահորեն այս քառը վերծանել որպես ԱԾԱԾՆԵՆ:

VIII քար. սկզբում փորագրված է Մ տառի վերին փոքր հորիզոնական ստեղծանք, իսկ հետո՝ ԻՆԶԵԻ Ի ՀԱ, այնուհետև երկու տառ կոտրված են:

Նրբորդ տողի պահպանված հատվածն այսքանով ավարտվում է, թերևս այստեղ պակասում է մեկ կամ երկու քար:

ԶՈՐՐՈՐԴ ՏՈՂ

I քար. պահպանվել է ՄԲԱՐՁՄԱՆ տառակապակցությունը: Նախորդ տողի վերջին ՀԱ տառերով ամբողջանում է (գումարած նաև հաջորդ քարի սկզբի ԵՆ տառերը) ՀԱՄԲԱՐՁՄԱՆԵՆ բառը, որը նույնանուն տոնի անվանումն է:



ՍՅԵՍՎԱՏՐԱՄՉԱԻՈ
ՈՆՆԱԼԸ

I

ԻՇՍՇԻՆԵՑԻՉԸ
ՎՉԻՑԵԻՆՅ

II

ՄԲԱԾԱԾԻՆՍԵԻԵՐ
ԱՐԴԻԻԲՅՈ

III

ԻՉԱԳԶԳՈՃ
ԱՑԵԲՆԱՅ

IV

ՑՄԵՐՈՑԶԱԲԱՐ
ԱՆԵԲԶԺԻՆԵՐ

V

ԵԻԵԻԻԱՆԵ
ԵՇԻՆՈՒՈ

VI

II քար. ԵՆ ՄԻՋԵԻ ԱԾԱԾԻՆ ՈՐ: Առաջին և երկրորդ քարերի վրա փոշադրված հատվածից կարելի է հասկանալ, որ պատարագները պետք է մատուցվեին Համբարձման և Աստվածածնի տոների միջև ընկած ժամանակահատվածում:

III քար. սկզբի ԴՈ տառերով ամբողջանում է ՈՐԴՈՅ բառը, որին հաջորդում է ԻՍՈՆ: Վերջում կոտրված է մեկ կամ երկու տառ:

IV քար. սկիզբը կոտրված է: Ուրվագծվում է Ս տառը և Ա-ի առաջին ուղղահայաց ստեղծի վերին մասը: Հիմնական քարի սկզբում պարզ երևում է Ա-ի ստորին աջ անկյունը՝ փոքր ստեղծով: Սրան հաջորդում են Ն, Ի, Ն տառերը: Մեր կաբժիքով, այստեղ կարելի է վերականգնել ՀԱՍԱՆԻՆ անձնանունը: Այնուհետև փորագրված է ԿԱՏԱՐԻԶՔ ՀՐԱ հատվածը:

V քար. սա անմիջապես նախորդի շարունակությունն է. ՄԱՆԱՅՍ ԱԻՀՆ:

VI քար. սկզբում կոտրված է մեկ կամ երկու տառ, որոնցով, անկասկած, կամբողջանար ԱԻՀՆԻՆ բառը: Այնուհետև կարգում ենք. ՅԱՅ ՆԹԷ ՈՔ:

VII քար. այստեղ զետեղված է ԽԱՓԱՆԷ բառը, իսկ վերջում՝ զույգ (:) կետեր:

VIII քար. սկզբում երևում են երեք տառերի վերնամասերը և նորից զույգ կետեր. նկատի ունենալով սրանց հաջորդող ՀԱՅՐԱՊԵՐ բառամասը, սկզբում վերականգնում ենք՝ ԵԺԸ:(316):

Հաջորդ քարի վրա պետք է փորագրված լինեի ՏԱՅ վերջավորությունը, որով և կամբողջանար ԵԺԸ: ՀԱՅՐԱՊԵՐՏԱՅ: հատվածը:

IX քար. փորագրված է ԱՆԷ (խափանե) ԴԱՏԻ ՏԷ, որով ավարտվել է արձանագրությունը:

[ԿԱՄԱԻՆ] ԱՅ, ԵՍ ՎԱՀՐԱՄ ԶԱԻՈՒՇՍ, ՇԻՆԵՑԻ ԶՄԲ ԱԾԱԾԻՆՍ ԵՒ ԵՏՈՒ ... Ի ԶԱԳ ԶԳՈՃ... [ՊԱՐՈՆԱ]Յ ՄԵՐՈՅ ԶԱՔԱՐԷԻ ԵՒ ԻԻԱՆԷ[Ի] ԿԱՄԱԿՅՈՒԹԵԱՄԲ... (Ո ... ՀԱԼԱԼ ԸՆԶԻՑ ԵՒ ԱՅ[Լ] ԱՐԴԻԻՆՔ ՅՈ... ԱՅ ԵՒ ՅԱՅ... ՍՆ ԵՒ ԶՍԱԽՍ Ի ՇԻՆՈՒԹ[ԵԱՆ] ԵԿԵՂԵՑՈՅՍ ԵՒ ԱՌԱՂՆՈՐԴՔ ՄԲ ՈՒԽՏԻՍ ՀԱՍՏԱՏԷՑԻՆ ՄԵԶ. [ԺԱՄ] ԶՇԱՔԱԹՆ ԱԻՐՆ ԶՏԱՐԻՆ ՈՂՋՈՅՆ ...Ա... ԱԾԱԾԵՆՆ ՄԻՋԵԻ Ի ՀԱՄԲԱՐՁՄԱՆՆ ՄԻՋԵԻ ԱԾԱԾԻՆ ՈՐԴՈՅ ԻՄՈ [ՀԱՍ]ԱՆԻՆ, ԿԱՏԱՐԻԶՔ ՀՐԱՄԱՆԱՅՍ ԱԻՐՀՆ[ԻՆ] ՅԱՅ, ԵԹԵ ՈՔ ԽԱՓԱՆԷ ԵԺԸ: ՀԱՅՐԱՊԵՐ[ՏԱՅՆ ՆՁՈՎԱԾ Է, ԻՍԿ ՈՎ ՈՔ Հ]ԱՆԷ ԴԱՏԻ ՏԷ:

Արձանագրությունը, շնայած խաթարված տողերին, արժեքավոր տեղեկություններ է պարունակում Վահրամ Զավուչի և նրա շինարարական ու նվիրատվական գործունեության մասին: Վիմագրից պարզվում է, որ Վահրամը տեղում կառուցել է եկեղեցի՝ ս. Աստվածածին անունով, կատարել է նվիրատվություն: Ամենայն հավանականությամբ, նվիրվել է Կոտայք գավառի Զազ գյուղից, Գոճոնց ընտանիքին պատկանած կամ նրանցից գնված հողակտոր:

Զաքարի և Իվանի հիշատակումը ցույց է տալիս, որ Վահրամը եղել է Զաքարյանների վասալ իշխաններից: Արձանագրության մեջ ակնարկ կա նաև Վահրամի կողմից մեկ այլ կառույցի շինարարության ծախսերը հոգալու մասին:

Վահրամ Զավուչի թողած արձանագրություններից պարզվում է, որ նա շինարարական գործունեություն է ծավալել մի շարք վայրերում. օգնել է Թեղենյաց վանքի գավթի շինարարությանը (1207 թ.), սալարկել է Բջնիի ս. Աստվածածին եկեղեցին (1209 թ.), կառուցել է Իշխանավանքի նույնանուն եկեղեցին, նաև՝ Զորուտի ս. Աստվածածինը և, ինչպես վերևում նշվեց, հոգացել է ինչ-որ կառույցի շինարարության ծախսերը:

Եթե Թեղեյանց վանքի, Բջնիի և Չորուտի համապատասխան կառույցների տեղադրությունը քաջ հայտնի է, ապա Իշխանականքի և վերոհիշյալ անհայտ շինություն մասին նույնը չենք կարող ասել:

Քննելով Վահրամի՝ Բջնիի և Չորուտի արձանագրությունները, նկատեցինք դրանց բացահայտ փոխադարձ կապը: Բջնիի վիմագրում նշված է, որ բացի տեղի եկեղեցու նորոգումից, Վահրամը կառուցել է ռեզիդենսականից մեծ եկեղեցին յանուն սրբ. Ածածնին» (առաջինը հիշատակված է այս գործը, հետո՝ նորոգման փաստը): Ինչպես նկատեցինք, Չորուտի եկեղեցին նույնպես Աստվածածին է կոչվում և կառուցվել է նույն Վահրամի կողմից, ուստի, կարծում ենք, թուր հիմքերը կան Բջնիի արձանագրության մեջ նշված ս. Աստվածածին (Իշխանականք) և Չորուտի համանուն եկեղեցիները նույնացնելու, այսինքն՝ Չորուտի վանքը նույն Իշխանականքն է:

Իշխանականքի հիշատակությամբ այսօր մեղ հայտնի է երկու վկայություն: Հովսեփ Դվնեցու կամ Նորաշենցու վկայաբանության մեջ խոսելով Հովսեփի ղեգերումների մասին, հեղինակը գրում է. «Եւ ելեալ գաղտագողի գնալ ի գաւառն Մազազայ որ է Բջնի, ի վանս Իշխանի, որ է մէջ երկուց լերանց զայս քարձրագունից՝ պարփակեալ անտառախիտ ծառօք, առ այրն ոմն միանձնացեալ՝ որ առաւել փայլէր յաշխարհիս մերում վարիւք, ճգնաւորական հանդիսիւ, քահանայական զարդարեալ, Սարգիս կոչեցեալ, խրատիմն զտանել ի նմանէ, եթէ որպես վարեսցէ զկեանս իւր և կամ ուր երթեալ դարբասցէ՞»⁷, Այստեղ ակնհայտ է Իշխանականքի և Չորուտի վանքի տեղավայրերի նկարագրության խիստ նմանությունը: Սրան ավելացնենք նաև այն փաստը, որ Չորուտը նույնպես մտնում էր Բջնի դավառի մեջ՝

Վերջերս, Չորուտի վանքի ս. Աստվածածին եկեղեցու միակ կանգուն հյուսիսային պատին, արտաքուստ, մեզ հաջողվեց կիսով չափ վերծանել նաև մի եղծված արձանագրություն, որը լիովին հաստատեց մեր կարծիքը: Այն բաղկացած է 5 տողից, քիչ թե շատ ամբողջանում են առաջին երկու տողերը.

ԿԱՄԱԽՆ ԱՅ, ԵՍ ... ՈՐԴԻ ՍԱՐԴՍԻ, ՈՐԴԻՈ ... յՄԲ ՈՒԽՏԻՍ ԻՇԽԱՆԱՅ.
ՎԱՆԱՅ ՄԲ .../.... ԻՆ ԱՄԵՆԱՅՆ ՀԱ/.... ԱՌԱՋՆՈՐԴՔ ՄԲ ՈՒԽՏԻՍ ՀԱՍՏԱ-
ՏԵՑԻՆ .../....:

Չնայած արձանագրությունը գրեթե ամբողջովին խաթարված է, այնուհանդերձ, այն պարունակում է մի կարևոր փաստ: Դա Իշխանականք անունն է: Այս վանքը հիշատակված է նաև XIII դ. 60—70-ական թվականներին Դավիթ գրչի ձեռքով ընդօրինակված մի ավետարանի հիշատակարանում, համաձայն որի ձեռագրի մի մասը գրվել է Վիհակաւոր վանս Իշխանի վանք և աւարտեցալ ի սուրբ յանապատիս Թեղեյաց կոչեցեալս⁸:

Հովսեփ Դվնեցին Իշխանականք է այցելել 1167 թ.⁹ Այստեղ նրան ընդունել է Սարգիս քահանան, որն, ըստ վկայաբանության հեղինակի, Հայաստանի երեւելի հոգևոր գործիչներից է եղել: Ամենայն հավանականությամբ, դա Սարգիսն է (արդեն որպես վարդապետ)՝ հիշատակված Չորուտ-Իշխանականքի ս. Աստվածածին եկեղեցու հյուսիսային պատին (ներսից) փորագրված շինարարական-նվիրատվական արձանագրության մեջ: Այն բաղկացած է տարբեր երկարության 9 տողից և հիմնականում լավ է պահպանվել. միայն 6—7-րդ տողերում կան եղծված հատվածներ.

⁷ Վկայաբանության հեղինակը սխալմամբ նույնացրել է Մազազ և Բջնի գավառները:

⁸ Հայոց նոր վկաները, կազմեցին Հ. Մանանդյանը և Հր. Աճառյանը, Վաղարշապատ, 1903, էջ 50:

⁹ Բջնին և նրա շրջակայքը երբեմն հիշվում են որպես Բջնի գավառ:

¹⁰ Հայերեն ձեռագրերի հիշատակարաններ, ԺԳ դար, կազմեց Ա. Ս. Մարքեսյանը, Երևան, 1984, էջ 890:

¹¹ Այդ թվականին Հովսեփի այցը Իշխանականք վկայում է, որ մինչև Վահրամի կողմից եկեղեցի կառուցելը, տեղում եղել է վանական միաբանություն:

ՔՆՈՐՄ
ԲԱՐՁՄԱՆ

I

ՈՒԽՏԻՍՏԱՍՏԱՏԵՑ
ԷԼՄԻՉԵԻԱԾԱԾԻՆՈՐ

II

ԻՆՄԵՑ
ԻՈՅԻՄ

III

ԷԱԲԱԹՆԱԻՐՆՉՏԵ
ՆԻՆԿԱՏԱՐԻՉՔՏՐԱ

IV

ՄԻՆՈԳՔՈՅՆ
ՄԱՆԱՑՍԱԻՏՆ

V

ԱՌ
ՅԱՅ ԷՈՁԵՈՒՔ

VI

ԾԱԾԵՆՆ
ԽԱՓԱՆԵ:

VII

ԻՆՉԵԻՒՏԱ
ՉԱՅՐԱՊԵ

VIII

ՄՆԵԴԱՅ ՈՐՏԵ

IX

Ի ԹՎԻՍ ՈՅԶ (1207)/, ԿԱՄԱԽՆ ԱՅ, ԵՍ ՄԵՂԱԽՈՐ ՍԱՐԳԻՍ ՎԱՐԴԱ-
ՊԵՏ, ՈՐ ԱՌԱՋՆՈՐԴ ԵՂԷ ՈՒ ՇԻՆԵՑԻ ԶՄԲ ԱԾԱ/ՄԻՆՍ ԵՒ ԷՏՈՒ ԶԴՐԱԾ
ԱՅԳԻՆ ԵՒ ՀՆՁԱՆ Ի ՇԷՆԳԱԽԻԹ ԵՒ ՅԷՐԵՒԱՆ, ԶԻՄ ԲԱԺԻՆ ԱՅԳԻՆ Ի ԶԻ-
ԹԷՆԻՆՍ/ ...ԶԻՄ ԲԱԺԻՆ, /ՀԱՅՐՍ ԵՒ ԵՂԱՐԱՐԳՍ ՀԱՍՏԱՏԵՑԻՆ Ի ՏԱՐԻՆ
ԺԱԽԻՐ ԺԱՄ, ՈՐ ԽԱՓԱՆԷ ՆՁՈՎԵԱԼ ՎԻՆԻՆՁ,

Համաձայն արձանագրության, վանքի առաջնորդ Սարգիս վարդապետը
կառուցել է տեղի ս. Աստվածածին եկեղեցին, նվիրել աղբյուրներ և հնձան-
Արդ, ինչպես հասկանալ այն փաստը, որ և՛ Վահրամը, և՛ Սարգիս վարդա-
պետը իրենց համարում են ս. Աստվածածին եկեղեցու կառուցող: Նման
փաստ հայ վիճաբանության մեջ մեզ չի հանդիպել: Քիչ չեն շինարարական
վկայագրերը, որոնցում միասին հիշատակված են երկու և ավելի մեկե-
նասներ, բայց որ երկու տարբեր վիճաբանում, միևնույն շինության մա-
սին նշվեն տարբեր կառուցողներ՝ եզակի երևույթ է: Շահալթումյանցը,
ներկայացնելով Սարգիս վարդապետի արձանագրությունը, նշում է, որ «շի-
նեցի» այստեղ «ոչ նշանակե՞ զայն ի հիմանէ, այլ զնորոգութիւն ինչ»¹⁸,
ի՞նչ է նկատի ունեցել արժանահիշատակ տեղագիրը, հայտնելով այս կար-
ծիքը. չէ՞ որ նա ծանոթ չէր ոչ Վահրամ Զավուշի՝ Բջնիի և Իշխանավանքի
արձանագրություններին, աչ էլ Հովսեփ Դվնեցու վկայաբանության վերո-
հիշյալ հատվածին և հիմք չունեն եկեղեցին նորոգելու փաստը վերագրելու
Սարգիս վարդապետին:

Արձանագրություններում, անշուշտ, հանդիպում են դեպքեր, երբ «շի-
նեցի» բառով արտահայտվել է նորոգման փաստը, սակայն մեր օրինակում
այն պետք է մեկնել իր ուղղակի իմաստով, քանի որ Վահրամի արձանա-
գրությունը, ընկած թվագրված չէ (կամ չի պահպանվել), այդուհանդերձ
փորագրվել է գրեթե նույն ժամանակ, ինչ որ Սարգսինը: Չնայած այս երե-
վույթի արտասովորությանը, զուգահեռ արձանագրություններն էլ պետք է դիտել
Իշխանավանքի ս. Աստվածածին եկեղեցու շինարարությունը փաստող
վկայագրեր:

Վահրամ Զավուշի՝ Իշխանավանքի արձանագրության մեջ նշված է մեկ
առ շինության կառուցման ծախքերը հոգալու մասին. «...ԵՒ ԶՄԱԽՍ Ի
ՇԻՆՈՒԹԻ ԵԿԵՂԵՑՈՅՍ»: Ինչպես վերևում հիշվեց, Վահրամը իր միջոց-
ներով օժանդակել է Թեղենյաց վանքի գավթի շինարարությանը և, կարծում
ենք, հենց այս փաստն է նկատի առնված Իշխանավանքի վիճաբանում:
Առաջ քաջված այս վարկածի օգնությամբ կարող ենք առավել ճշտել Իշ-
խանավանքի արձանագրության թվականը:

Բջնիի արձանագրության մեջ (1209 թ.) խոսվում է Իշխանավանքի
ս. Աստվածածին եկեղեցու արդեն ավարտված շինարարության մասին,
իսկ Իշխանավանքի վիճաբանում նշված է Թեղենյաց վանքի գավթի շինա-
րարությանն օժանդակելու փաստը (1207 թ.) (համաձայն մեր վարկածի),
ուստի ակնհերև է, որ Վահրամ Զավուշի՝ Իշխանավանքի արձանագրությունը
փորագրվել է 1207 թ. վերջերին կամ 1208 թվականին:

Վահրամ Զավուշի և Սարգիս վարդապետի վերահիշյալ արձանագրու-
թյուններով չի սահմանափակվում Իշխանավանքի ս. Աստվածածին եկե-
ղեցու շինարարական վկայագրերի թիվը: Նույն եկեղեցու մուտքի ճակա-
տաքարը եզերող կամարի քարերի վրա փորագրված է շինարարական ևս
մի արձանագրություն: Սկզբնապես այն ուստեղված է եղել յոթս քարերի
վրա, որոնք իր ահապանման են երեքը: Արձանագրությունը բաղկացած է
երկու տողից և հեշտությամբ վերծանվում է.

18 2. Շ ա հ խ ա թ ու ն ե ա ճ ց, Գշվ. աշխ., էջ 179, Մ. Ս մ բ ա տ ե ա ճ ց, Գշվ. աշխ.,
էջ 315:

19 2. Շ ա հ խ ա թ ու ն ե ա ճ ց, Գշվ. աշխ., էջ 179:

ի ԹՎԻՍ ՈԾ(1201), ԿԱՄԱԻ ԲԱՐԵՐԱՐԻՆ ԱՅ ԵՍ ԶԱՔԱՐԷ ՍՊԱՐԱՊԵՏ ԱԻԳՆԱԿԱՆ ԵՂԷ ԵԿԵՂԵՑՈՅՍ ԵՒ ԱՌԱՋՆՈՐԴՔ/ ՍԲ ԵԿԵՂԵՑՈՅՍ ՀԱՍՏԱՏԵՑԻՆ ԻՆՁ Ի ՏԱՐԻՆ ԺԱՄ ԶԱՄԱՅԻՆ ՏԱՆՆ ԶԱՄԵՆԱՅՆ ԵԿԵՂԵՑԻՔՍԿ,

Արձանագրությունը մեծ արժեք է ներկայացնում նախ Զաքարե ամիր-սպասալարի անվան առկայությամբ, որն այստեղ հորջորջված է սպասարա-պետա տիտղոսով: Ժիշտ է, բնագրում չի նշված շինարարությանն օժանդակելու փաստը, սակայն վիճաբարական բազմաթիվ նմանօրինակ հիշատա-կություններ վկայում են, որ արտահայտման այդ ձևով նշվում էր շինա-րարական աշխատանքներին դրամով մասնակցություն ունենալը: Զաքարեի արձանագրությունը թվագրված է 1201 թ., իսկ ինչպես վերևում տեսանք, բուն շինարարական վկայագրերը փորագրվել են 1207 և 1208 թթ.: Տարե-թվերի այս տարբերությունը կարելի է բացատրել մի հանգամանքով. Սարգսի և Վահրամի վիճաբարը փորագրվել են շինարարությունն ավար-տելու կապակցությամբ, իսկ Զաքարեինը՝ ընթացքում, երբ արդեն կառուց-վել էր մուտքը իր ճակատային հատվածով:

Իշխանավանքի ս. Աստվածածին եկեղեցու հյուսիսային պատին, ներ-քուստ պահպանվել են ևս երկու արձանագրություն, որոնք իրենց թնուլթով նվիրատվական են:

XIII դ. առաջին կեսով է թվագրվում Մեսրոպ երեցի արձանագրությու-նը: Վիճաբարի Ֆի քանի քարեր ընկած են, սակայն XIX դ. կեսերին տեքստն ամբողջական է եղել: Արձանագրությունը բաղկացած է հինգ տարբեր եր-կարության տողերից, վերականգնումները կատարված են ըստ Հ. Շահխա-թունյանցի հրատարակության:

ԿԱՄԱԻՆ ԱՅ, ԵՍ՝ ՄԵՍՐՈՐ ԵՐԷՅ ԳՆԵՅԻ ՇԱՏԼՈՅՍԻՆՅ ԱՋԳՈՅՆ ԶԱՐԵՔՆ ԶԱՆՁՐԵԻՆ ԲԱԺԻՆ Ի Խ: Դ/ԱՀԵԿԱՆ, ԵՏՈՒՆԲ, ՊԱՏԱՐԱԳ Ի ՏԱՐՈՋՆ, ՈՎ ԽԱՓԱՆԷ ԻՄ ՄԵՂԱՅՆ ՊԱՐՏԱԿԱՆ Է, ԱՇՈՂՈՐՄԵԱ ՄԵՍՐՈՐԱԻՆԵ,

Մեսրոպ երեցը 40 դահեկանով գնել է Շատուլսենց ընտանիքին պատ-կանող այգու շորրորդ մասը և նվիրել վանքին: «ԶԱՆՁՐԵԻՆ ԲԱԺԻՆ» բա-ռակապակցությունը կարող է մեկնվել երկկերպ. առաջին բառը անձնա-նուն է և, որ այգու նվիրված մասի տերը հենց Անձրեն է: Անձրե բառը որ-պես անձնանուն այլուստ հայտնի չէ: Մեսրոպը, ամենայն հավանականու-թյամբ, իշխանավանքի միաբաններից է: Շահխաթունյանցի մոտ դահե-կանների թիվը նշված է Ո(1000), սակայն այն, թեկուզ մոտավոր, չի հա-մապատասխանում հատկացված պատարագների արժեքին: Ուստի, մեր հաստատ համոզմամբ, տեղագիրը սխալ է վերծանել այդ թիվը. պետք է լիներ Խ(40) կամ Մ(50):

Անմիջապես Մեսրոպի արձանագրության տակ փորագրված է մյուս վիճաբարը: Այն բաղկացած է վեց տողից, առաջին երեք տողերում կան հողմահարված հատվածներ.

ԿԱՄԱԻՆ ԱՅ, ԵՍ՝ ՔԱՀԱՆԱՊԵՏՍ ԵՒ / ԴԱՍԱՊԵՏՍ ՄԻԱՐԱՆԵՑԱՔ ՄԲ ՈՒԽՏԻՍ .../ ... ԵՒ ԶԱՇՏԱՐԱԿՈՒ ԱՅԳԻՆ ԴՐԱՔ ԵՒ ԱՅԼ ԻՆՉՍ ՏՎԱՔ ԵՒ ՄԻԱՐԱՆՔՍ Հ/ ԱՍՏԱՏԵՑԻՆ Ի ՏԱՐԻՆ Բ, ՊԱՏԱՐԱԳ ՄԵՁԵ,

Հողմահարված հատվածները հնարավորություն չեն ընձեռում լիո-վին պարզելու նվիրատուների նպատակը, խոսվում է Աշտարակում այգի հիմնելու, հնձան կառուցելու և թալլ ինչպես տալու (նվիրելու) մասին: Կար-ծում ենք, որ Քահանայապետը և Դասապետը այդ այգին, հնձանը այլ ինչքերի հետ նվիրել են վանքին: Ուշագրավ են նշված անձնանունները: Հ. Շահխաթունյանցը ԶԱՇՏԱՐԱԿՈՒ-ն վերծանել է ԱՇՏԱՐԱԿԱՅ, իսկ վեր-ջում նշել թվականը՝ ՈՄՁ (1207), որը, ինչպես վերևում ասվեց, վերաբե-

14 Հրապարակվում է առաջին անգամ:

15 Հ. Շահխաթունյանց, նշվ. աշխ., էջ 179. Մ. Սմբատեանց, նշվ. աշխ., էջ 214:

16 Նույն տեղում:

րում է հաջորդ՝ Սարգիս վարդապետի արձանագրությանը: Չնայած այս հանգամանքին, Քահանայապետի և Դասապետի արձանագրությունը փորագրվել է գրեթե նույն ժամանակ, քանի որ, դատելով տառաձևերից, երկուսն էլ նույն գրչի գործն են:

Զորուտ-Իշխանավանքի վիմագրությունն առավել ամբողջացնելու նպատակով կեներկայացնենք ևս մի քանի արձանագրություններ, որոնք առաջին անգամ են մտցվում հիտական շրջանառության մեջ:

Համակառուցի հիմնական շինություններից մոտ 200 մ հարավ, ծառերի մեջ, հտնվում է վանքի գերեզմանոցը: Այստեղ կանգուն կամ ընկած վիճակում կան բազմաթիվ խաչքարեր, տապանաքարեր և խաչքարերի պատճանդաններ, որոնցից մի քանիսի վրա պահպանվել են արձանագրություններ:

1. Խաչքարի պատվանդան, 3 տող.

Ի ԹՎԻՆ ՈՂԲ, (1223), ԵՍ ՄԽԻԹԱՐ ԿԱՆԳՆԷՑԻ ԽԱՉԵՐՍ Ի ՓՐԿՈՒԹԵԱՆ ՄՆՈՂԱՅ ԻՄՈՑ / ԵՒ ԵՂԲԱԻՐՆ ԻՄ ՄԽԻԹԱՐԶԻՆ: ՈՐ ԿԱՐԴԱՅՔ ՅԻՇԷՑԷՔ:

2. Վերոնշյալ պատվանդանի մեջ ագուցված խաչքարի աջ կողմին, 8 տող.

ՏՐ ԱՅ ՈՂՈՐՄԵԱՅ ՄԽԻԹԱՐ ՔԱՀԱՆԱՅԻ ԵՒ ՄԵՂԱՊԱՐՏ ԵՂԻԱԻ:

3. Խաչքար, ստորին մասում, 4 տող.

ՈԿԲ /1219/ ԹՎԻՆ ԵՍ ՍԱՐԿԱԻԳՍ ԵՒ ԳԵՂԷՑԵԿՍ ՈՐ ԿԱՆԿՆԷՑԱՔ / ԶԽԱՉԵՐՍ Ի ՓՐԿՈՒԹԵԱՆ ՄԱԻՐՆ ԻՄ ԵՒ ԵՂԲԱԻՐՆ ԻՄ:

4. Խաչքարի պատվանդան, բառերը փորագրված են շորս խաչանշանների անկյուններում:

ՅՍ ՔՍ ՈՐԴԻ ԱՅՈՂՈՐՄԵԱՅ ՄԱԹԷՈՍԻ, ԳՐԻԳՈՐԻ, ԵՅՈՀԱՆԻՍԻ:

Այսքանով չի սահմանափակվում Զորուտ-Իշխանավանքի արձանագրությունների թիվը: Պահպանվել են բազմաթիվ քարագիր հիշատակությունների մնացորդներ, որոնք տեղ կգտնեն «Դիվան հայ վիմագրության» համապատասխան հատորում:

ЧОРУТ-ИШХАНАВАНК: НОВОНАЙДЕННЫЕ ЭПИГРАФИЧЕСКИЕ НАДПИСИ

Г. Г. САРКИСЯН

Р е з ю м е

Развалины монастыря Чорут расположены в лесистой местности, в 5 км к северо-востоку от села Арзакан Разданского района Армении. В результате раскопок были обнаружены фрагменты нескольких эпиграфических надписей.

В первой надписи говорится о постройке Ваграмом Чавушем церкви св. Богородицы и о пожертвованиях.

Надпись на портале церкви св. Богородицы в селе Бджни гласит о реставрации бджнийской церкви в 1209 г. и сооружении церкви в Ишханаванке тем же Ваграмом Чавушем.

Еще одна надпись 1201 г. упоминает спарাপета Закарэ, внесшего свой вклад в строительство Чорутской церкви.

Исследование чорутской и бджнийской надписей и других источников доказывает, что Ишханаванк—это тот же Чорутский монастырь.